



# Foreldrafélag Sunnulækjarskóla

Fréttabréf

Mars 2011

## Frá 5. fundi foreldrafélags Sunnulækjarskóla skólaárið 2010-2011

- Rætt var um ábendingu sem kom frá foreldri vegna **foreldraröltisins**. Lögreglustöðin var lokuð þegar foreldrar mættu á föstudagskvöld. Helena ætlar að grennslast fyrir um málið hjá lögreglunni.
- Ritari skólans hefur tekið að sér að senda út áminningu fyrir foreldraröltið. Kunnum við henni okkar bestu þakkir.
- Rætt var um hvernig fyrirkomulagið er þegar fulltrúi foreldra er kosinn í **fræðslunefnd**. Gott væri að fá upplýsingar um þetta ferli. Það verður skoðað síðar.
- Rætt var um **framlag til nemendafélags** skólans. **Vorhátíð** skólans var rædd. Kom fram hugmynd um að styrkja hátíðina fjárhagslega.
- Rætt var um hvernig **Lífshlaupið** hefur farið af stað í skólanum. Mikil ánægja er með hversu duglegir kennararnir eru að hvetja krakkana til að skrá hreyfingu. Tekin var ákvörðun um að Anne og Óskar verði í sambandi við tengla í 10. bekk um rafræna skráningu á síðu Lífshlaupsins sem þarf að fara fram miðvikudaginn 23. febrúar. Ákveðið var að taka tilboði frá Prentlausnum í prentun viðurkenningaskjala vegna Lífshlaupsins. Anne gengur frá því.
- Rætt var um heildræna stefnu skólans **Uppeldi til ábyrgðar**. Stjórn foreldrafélagsins telur mjög mikilvægt að allir starfsmenn skólans starfi undir þessari stefnu.
- Að lokum var farið yfir **heildræna stefnu tólstundastarfs, íþróttafélaga og skóla**. Rætt var um að semja ályktun og senda til UMFS. Það verður rætt betur síðar.

Við minnum  
á viðhorfs-  
könnun  
skólans og  
hvetjum  
sem flesta  
til að  
svara.

Kveðja,  
stjórnin



Til hamingju  
Sunnó !!!

Við viljum þakka öllum sem tóku þátt í Lífshlaupinu kærlega fyrir þátttökuna.

Eftirfarandi aðilar eiga sérstaklega hrós skilið:

- Nemendur og tenglar í 10. bekk sem tóku að sér að skrá alla hreyfingu rafrænt og skrifa á viðurkenningarskjölin.
- Jóhann og Sölvi í 10. bekk sem sáu um kynningar og margt fleira!
- Starfsfólk skólans sem hvöttu nemendur til dáða.
- Allir foreldrar sem skráðu og skiluðu inn skráningarbókum.
- Síðast en ekki síst allir nemendurnir sem voru svona rosalega duglegir að hreyfa sig.

## Sunnulækjarskóli vann til gullverðlauna !

Sunnulækjarskóli á Selfossi vann til gullverðlauna í Lífshlaupinu í flokki skóla með 400 nemendur eða fleiri. Verðlaunin voru afhent í lok síðustu viku. Í ár tók Sunnu-lækjarskóli í fyrsta skipti þátt í Lífshlaupinu, hvatningar-leik grunnskóla á vegum ÍSÍ. Markmið verkefnisins er að fá sem flesta nemendur skólans til að hreyfa sig í 60 mínútur daglega á meðan átakið stendur yfir.

Sölvi Sveinsson og  
Jóhann Valgeir Helgason,  
ásamt Ólafi Rafnssyni,  
forseta ÍSÍ



Foreldrafélag skólans hélt utan um verkefnið. Nemendur 10. bekkjar tóku að sér að kynna það fyrir nemendum og skrá árangur þeirra rafrænt en starfsfólk skólans sá um að hvetja nemendur til dáða. Þetta fyrirkomulag reyndist mjög vel og hvatti ÍSÍ aðra skólar landsins til að nýta sér þessa hugmynd.

Nemendur voru mjög duglegir að hreyfa sig og tóku foreldrar virkan þátt í að aðstoða þau við hreyfingu og skráningu og myndaðist mikil stemning í skólanum.

Starfsmenn skólans skráðu sig til leiks í vinnustaðakeppni Lífshlaupsins og stóðu sig einnig mjög vel. Þetta öfluga og skemmtilega samstarf starfsmanna, nemenda og foreldra skilaði sér greinilega og hlaut skólinn fyrstu verðlaun fyrir árangurinn sinn, sigur í flokki skóla með 400 nemendur eða fleiri.